

Ամենաազդեցիկներն ու հմայիչները

Գերմանիայի կանցլեր Անգելա Մերկելը երրորդ անգամ անընդմեջ զբաղեցրեց առաջին տեղը աշխարհի առավել ազդեցիկ կանանց վարկանիշային աղյուսակում, որն ամեն տարի կազմում է ամերիկյան Forbes հեղինակավոր հրատարակությունը: Վերջերս հրատարակված ցուցակում Անգելա Մերկելին հետևում է ամերիկացի ֆինանսիստ, Ռեպուբլիկանների ապահովագրության գծով դաշնային կորպորացիայի (FDIC) ղեկավար Շեյլա Բեյլը, որը, փորձագետների կարծիքով, «ասպիտակում է կայունություն և հասարակական վստահություն ազգային ֆինանսական համակարգում» և որն այժմ ստիպված է «ուղղորդել» հիփոթեքային ճգնաժամը: Երրորդ տեղում է ամերիկյան հսկա ընկերության PepsiCo-ի գործադիր տնօրեն Ինդրա Նոյին:

Ռուսանդան նորից ռեկորդ սահմանեց

Սեպտեմբերին անցկացված խորհրդարանական ընտրություններում Ռուսանդան դարձավ առաջին երկիրը, որտեղ կանայք ստացան խորհրդարանում տեղերի մեծ մասը (55%): Ինչպես հայտնի է, աշխարհի խորհրդարաններում կանանց ներկայացվածության միջին ցուցանիշը 18,4 % է: Դա նկատի ունենալով գրեթե 110 երկրներում ներմուծվեցին կանոններ ու քվոտաներ, որոնք օգնում են կանանց ընտրվելու օրենսդիր մարմիններում: Սակայն այս հարցում ամենամեծ հաջողության հասել է Ռուսանդան: Տեղերի 30%-ը բաժին է ընկել կանանց երաշխավորված քվոտաների շնորհիվ, մյուս 25%-ը նրանք ստացել են իրենց ուժերով: Համեմատության համար այնպիսի երկրներում, ինչպիսին են Շվեդիան, Կուբան, Ֆինլանդիան և Արգենտինան, կանանց է պատկանում պատգամավորական մանդատների մոտավորապես 48-ից 40%-ը: Գերմանիայի խորհրդարանում պատգամավորների շուրջ 32%-ը կանայք են, Ռուսաստանում՝ 15%-ը, Հայաստանում՝ 8,3 %-ը:

Նրա անունը թարգմանվում է «թռչնակ»

Իսրայելի արտաքին գերատեսչության ղեկավար Ցիպի Լիվնին հաղթանակ տարավ «Թալիմա» իշխող կուսակցության նախագահի ընտրություններում իրական հնարավորություն ստանալով դառնալու երկրի պատմության մեջ երկրորդ վարչապետը Գոլդա Մեիրի ժամանակներից, ով ղեկավարել է կառավարությունը 1969-1974 թթ.: Սեպտեմբերի 17-ին տեղի ունեցած կուսակցական ընտրություններում նախկին իրավաբան և «Մուսադ» հետախուզության պաշտոնաթող գործակալ Լիվնին ստացավ կուսակցիցների 43,1% աջակցությունը 2%-ով առաջ անցնելով (431 ձայն) իր հիմնական մրցակցից՝ տրանսպորտի նախարար Շաուլ Մոֆազից, որը նախկինում ղեկավարում էր Իսրայելի գլխավոր շտաբը և պաշտպանության նախարարությունը: Սպասվում է, որ Էհուդ Օլմերթի պաշտոնանկությունից հետո, որի ժամկետների մասին դեռ ոչինչ հայտնի չէ, Լիվնին երկրի նախագահ Շիմոն Պերեսից կստանա կառավարություն ձևավորելու մանդատ: Շատերը կարծում են, որ այդպես էլ կլինի: Նախ Լիվնին առայժմ անբասիր վարկանիշ ունի: Երկրորդ արտաքին գործերի նախարարի պաշտոնում պատկանելի քաղաքական փորձ, ու երրորդը նա ծառայել է իսրայելական «Մուսադ» հետախուզությունում: Սակայն չնայած ռազմական անցյալին Լիվնին համարում են ոչ թե Շարոնի «ճուռակ», այլ Օլմերթի «աղավնին», իսկ «Ցիպի» անունը եբրայերենից թարգմանվում է որպես «թռչնակ»:

Միևեք և քաղաքականությունը

Կանանց 23 հիմնական կուսակցական ցուցակներում կանանց ներկայացվածությունը մինչև 30% բարձրացնելու առաջարկությամբ էջ 3



Հոկտեմբեր, 2008

Ամենամյա անվճար հավելված



Լուսանկարը՝ Մարգարիտ Եսայանի

ՏԻՄ, թե՛ «Տղամարդկային Ինքնակառավարման» Մարմիններ

Հանրապետության 48 քաղաքապետների թվում ոչ մի կին չկա: Քաղաքային համայնքների ղեկավարների (քաղապետների) շարքում նրանք նույնպես չկան: Գյուղական համայնքների ղեկավար (գյուղապետ) է կանանց 2,5%-ը: Քաղաքային և գյուղական ավագանիների կազմում կանայք 8% են:

Սրանք 2005 թ. ընտրությունների արդյունքներով ՏԻՄ-երում կանանց մասնակցության տվյալներն են, և վերջին տասը տարվա դիմաձիկան հաշվի առնելով հազիվ թե հնարավոր լինի սպասել այլ արդյունքներ 2008-ի ընտրարշավից: Թեպետ սպասվում է, որ մի յոթը տարուց ամեն ինչ պետք է հրաշալի ձևով փոխվի: Ինչո՞ւ՝ հատկապես յոթ: Բանն այն է, որ Հազարամյակի զարգացման նպատակների շրջանակում մեր երկիրն իր առջև է դրել մի նշանոթ, որ 2015-ին տեղական համայնքների ղեկավարությունում 10%-ից պակաս կին չլինի: Համեստ պարտավորություն է, սակայն նման գործի համար նախադրյալներ այս պահին չկան: Հավանաբար, որոշել են, որ կանանց համար խոստացված «պայծառ ապագան» հեռու է և առայժմ կարելի է թուլանալ:

Սեպտեմբերը մայրաքաղաքում անցավ ՏԻՄ ընտրությունների նշանի ներքո, իսկ հոկտեմբերի սկզբից տեղական նշանակության մարտերը տեղափոխվեցին մարզեր: Կանայք, ինչպես միշտ, սահմանափակվեցին առավել քան համեստ մասնակցությամբ: Հանրապետության մասշտաբով ընդհանուր արդյունքները ամփոփել հնարավոր կլինի միայն հոկտեմբերի վերջին: Իսկ Երևանում պատկերն արդեն պարզ է, ու այստեղ կանանց ու տղամարդկանց հավակնությունների իմաստով ոչինչ չի փոխվել:

Մայրաքաղաքի նվազագույնը վեց համայնքների ավագանիները հերթական անգամ արժանացան

տություն և հաճելի մթնոլորտ, չկա մաքրություն, կարգ ու կանոն: Չկա կնոջ ձեռք և կնոջ հոգատարություն: Ինչ վերաբերում է մայրաքաղաքի թաղապետների պաշտոնին, ապա երբեմն տպավորություն է ստեղծվում, թե տղամարդիկ ավելի շուտ կնոջը կզիջեն նախագահի պաշտոնը, քան թույլ կտան ղեկավարել համայնքը: Մինչև այժմ թաղապետի պաշտոնին ձգտել են հասնել միայն երկու կին: Ռուզան Խաչատրյանը (ՀԺԿ) առաջադրվել էր նախորդ ընտրություններում Կենտրոն համայնքում, իսկ Ջոյա Թադևոսյանը («Ժառանգություն») այս տարի Արաբկիրի թաղապետի պաշտոնի համար: Երկուսը փորձեցին քաղաքաշինչ ընթացքում խաղարկել երկու գործոն կանանց և ընդդիմադիր: Որի հետևանքով բախվեցին կրկնակի հակազդեցության, քանի որ քաղաքականության մեջ երկու միևնույն ոչ միշտ է հանգեցնում պլյուսի: Այնուամենայնիվ, չէինք ցանկանա նրանց փորձը անհաջող համարել: Թեկուզ այն իմաստով, որ նրանք կտրեցին ինչ-ինչ խոչընդոտներ այն կանանց համար, ովքեր կզան վաղը, կկարողանան նրանց փորձից դասեր քաղել և կլինեն ավելի լավ ու հաջողակ: Իսկ մայրաքաղաքի թաղապետներին չէր խանգարի արդեն հիմա ի կատար ածել Ջոյա Թադևոսյանի որոշ նախընտ-

րական խոստումները: Խոսքը վազքի փոշիով փողոցները մաքրելու մասին է, գաղափար, որ, չգիտես ինչու, ծաղր ու ծանակի առարկա դարձավ: Ափսոս: Ավելի լավ է լվացքի փոշիով մաքրել, քան պարզապես փողոցի աղբը լողեղ ջրցան մեքենայով... Համարվում է, որ մայրաքաղաքի տեղական ինքնակառավարման մարմինների ներկայիս ընտրությունները քաղաքապետի ընտրությունների յուրօրինակ փորձ էին, որոնք կանցկացվեցին «Երևանի մասին» օրենքը խորհրդարանի կողմից ընդունվելուց հետո: Օրենքի ընդունման, ասել կուզի՝ նաև ընտրությունների ստույգ ժամանակը դեռ հայտնի չէ: Օրինագիծն այժմ անցել է առաջին ընթերցումը, և ենթադրվում է, որ քաղաքապետին պետք է ընտրի 65 անդամից կազմված Երևանի ավագանիների խորհուրդը: Աժ-ում օրինագիծն քննարկման ընթացքում «Ժառանգության» կողմից առաջարկություն հնչեց քվոտաներ սահմանել, որոնք կերտվեցին այդ խորհրդում կանանց ներկայացվածությունը: Մայրաքաղաքի ընտրությունների արդյունքները մի ավելորդ անգամ ապացուցում են, որ այլ ելք չկա: Եթե, իհարկե, չենք ցանկանում հիմնել հերթական «տղամարդկանց ակունք»:

Անուս «Կինը և քաղաքականությունը» ներդիրի խմբագրակազմը կազմակերպում է Երևանում հերթական բանավեճ ընթերցողների մասնակցությամբ «Քվոտաները. կողմ և դեմ» թեմայով: Հրավիրում ենք ձեզ հոկտեմբերի 28-ին ժամը 13-ին «Անի պլազա» հյուրանոցի փոքր սրահ:

Դեմոս

Ո՞ր պաշտոնում չէիք ցանկանա կին տեսնել

2008 թ. ապրիլ-մայիս ամիսներին Աշխատանքի և սոցիալական հետազոտությունների ազգային ինստիտուտի անցկացրած հարցման մասնակիցների շուրջ 80%-ը համաձայնում է. մեզանում կանայք շատ քիչ են որոշումների ընդունման մակարդակում: Այնուամենայնիվ, նրանք պատրաստ չեն կնոջը տեսնել բոլոր դեկավար պաշտոններում:

54,4%-ը չէր ցանկանում կնոջը տեսնել նախագահի պաշտոնում: 41,8%-ը դեմ է կնոջը վարչապետի պաշտոնում:

31,7%-ը չի տեսնում գեղեցիկ սեռին գյուղապետի դերում: 28,7%-ը դեմ է կնոջը մարզպետի պաշտոնում:

29,2%-ը չի ցանկանում կին թաղապետ:

22,5%-ը դեմ է կին նախարարին: 21%-ը դեմ է կին քաղաքապետին: 11,7%-ը չի վստահում կին պատգամավորներին:

Եվ այսպես, ժողովրդի համար ավելի հաճելի է կնոջը տեսնել նախարարի պաշտոնում, քան գյուղապետի դերում: Մինչդեռ իրականում ամեն ինչ ճիշտ հակառակն է: Մեզանում կին գյուղապետները 20-ն են, իսկ նախարար ընդամենը երկուսը: Մյուս կետերով կարելի է չանհամապատասխան պետության թիվ մեկ պաշտոնում նրանք երբեք չեն էլ առաջադրվել, մյուս պաշտոններում, ինչպես, օրինակ վարչապետի, քաղաքապետի կամ թաղապետի, կին չի եղել և չկա, երրորդում նրանք մեկ-երկուսն են և վերջ: Մարզպետի դերում մեկ կինը ընդհանուր պատկերը չի փոխում և անբարյացակամներին չի զայրացնում: Հուսադրող է, որ հասարակական կարծիքում կանանց համար կանաչ ճանապարհ է բացվում դեպի խորհրդարան. չէ՞ որ հարցվածների գրեթե 90%-ը ոչինչ չունի կին պատգամավորների դեմ: Այդ դեպքում անհասկանալի է, թե ինչո՞ւ նրանց հասավ ընդամենը 12 մանդատ:

Ինչպե՞ս եք վերաբերվում կանանց համար քվոտաներին

Այս հարցին պատասխանելիս հարցվածների կարծիքները բաժանվեցին հետևյալ կերպ.

Դրական 43%
Բացասական 13,5%
Չգիտեմ 43,5%

Քվոտաներին դրական վերաբերվողների գերակշիռ մասը (75,3%) համարում է, որ նրանց առավել օպտիմալ չափը 20-50%-ի սահմաններում է: Հարցվածների 53,4%-ը կանանց համար տեղերի քվոտավորման անհրաժեշտություն է տեսնում նաև գործադիր մարմնում:

Հետազոտությունը կատարվել է Հայաստանի բոլոր մարզերում՝ 1300 հարցվածների շրջանում:

Պատմում է, թե քաղաքականության մեջ արթնացել է 88-ին ազգային զարթոնքի օրերին: Անտվոր, վարակիչ ոգևորություն կար շուրջս, համախմբում էի գործընկերներիս ու մտերիներիս՝ առաջնորդելով հանրահավաքների և ցույցերի: Իսկ իր լուրջ քաղաքական գործունեության մեկնարկը կապում է «Օրինաց երկիր» կուսակցության հետ, որին անդամագրվեց 1998 թ.: Այսօր Հասնիկ Բաղդասարյանը կուսակցության վարչության անդամ է:

«Սկզբնական շրջանում դժվարությունները շատ էին, որովհետև ամուսինս դեմ էր իմ քաղաքական գործունեությանը, - պատմում է նա: - Սակայն որոշ ժամանակ անց ամեն ինչ հարթվեց, և ընտանիքս, երեխաներս դարձան ոչ միայն գլխավոր հենարանը, այլև խթանել քաղաքական ասպարեզում առաջ գնալու համար: Ինձ համար շրջադարձային էին Համայնասարանական կրթությանը կանանց ասոցիացիայի կանանց լիդերության դպրոցի բարձրագույն քաղաքական դասընթացները: Գիտելիքներն ինձ վստահություն հաղորդեցին, սակայն գլխավորը ես սկսեցի այլ կերպ ընկալել քաղաքական կյանքում կնոջ տեղն ու դերը, գիտակցեցի նրա առանձնահատուկ առաքելությունը: Այս ամենն ինձ օգնեց հետագայում ճիշտ կազմակերպելու իմ նախընտրական քարոզարշավը, երբ ստիպված էի պայքարել ընտրողների ծայրերի համար ավանդապահ համայնքում և տղամարդ մրցակիցների հետ»:



Նատալյա Լափաուրին Հայաստանի համայնքների ասոցիացիայի փոխնախագահն է և Եվրախորհրդի տեղական և տարածաշրջանային իշխանությունների կոնգրեսում հայկական պատվիրակության քարտուղարը: Սեպտեմբերին անցկացված ավագանու ընտրություններում առաջադրումը նրա առաջին քաղաքական փորձն է: Քվեաթերթիկում նրա ազդանունը 13-րդն էր, սակայն հաջողությունը նրանից երես չքսեց: Քվեարկության արդյունքներով Նատալյա Լափաուրին մայրաքաղաքի Նոր Նորք համայնքի Մոլորմտիկ ավագանու կազմում միակ կինն է:

Հասնիկ Բաղդասարյան.
«Եթե գործ ունես մարդկանց հետ, չպիտի անջարես նրանց հոգսը քոնից»

Սեպտեմբերին մայրաքաղաքի Շենգավիթ համայնքի բնակիչները երրորդ անգամ անընդմեջ Հասնիկ Բաղդասարյանին ընտրեցին ավագանու անդամ: Մեր ժամանակներից իսկ ղոպեններին զգացի, որ նրա հետ զարմանալիորեն հեշտ և հաճելի է շփվել: Իսկ հետևելով նրան աշխատելիս մեկ այլ եզրակացություն էլ հանգեցի. նա հավանաբար նույնքան նախաձեռնող է եղել մանկուց՝ և դպրոցում, և բուհում, ամեն տեղ... Պատկերացրեք՝ կառնեցի: Նրա անսպառ եռանդը՝ ակնհայտ կազմակերպչական ձիրքը, հավելած կանացի հմայքը, անհնար է չնկատել:

Նրա կյանքում ոչ միայն հաղթանակներ, պարտություններ էլ են եղել: Ասում է, թե պարտությունն էլ փորձ է, որ պետք է ունենաս: 2007-ին, երբ որոշեց մեծամասնական ընտրակարգով պատգամավոր առաջադրվել, գրեթե հաստատ գիտեր, որ կպարտվի, սակայն որոշեց պայքարել մինչև վերջ: Արդյունքում այդ ընտրատարածքում առաջադրված վեց թեկնածուների շարքում զբաղեցրեց երկրորդ տեղը՝ ստանալով 5000 ձայն: «Մաքուր» ձայներ էին, ընդգծում է նա, առանց ընտրակաշառք բաժանելու: Աշխատասենյակի պատերին բազմաթիվ պատկերներ նկատելով՝ հարցնում է պարզևեզի մասին: Ի պատասխան առանձնացնում է միայն մեկը, որը հատկապես թանկ է նախկին վարչապետ Անդրանիկ Մարգարյանի ստորագրությամբ: «Այդ պատվոգիրն ինձ համար ամեն

Նատալյա Լափաուրին.
«Երբ քայլն արված է, պետք է առանց վախենալու առաջ գնալ»

Քվեները կին է, նշանակում է ավելի լավ կհասկանա սոցիալական ու կենցաղային խնդիրները: Բայց հիմա, հետ նայելով, համարում է, որ իր հաջողության բանաձևը մեկ այլ բանի մեջ էր. մարդիկ վստահեցին ոչ թե կնոջը, այլ նրա իրազեկությունը և գիտելիքներին:

«Իմ ողջ ընտրաշաղկի ժամանակ առաջնորդվել եմ մեկ սկզբունքով. «Ամեն ինչի հիմքում ընտանիքն է»: Համայնքը նույնպես ընտանիքի մոդել է, որն առանց կնոջ մասնակցության չի կարող լիարժեք ու բարեկարգ լինել: Դա ոնց որ տուն լինի առանց կնոջ ձեռքի: Ուստի ինձ համար համայնքում գլխավոր խնդիրներն են մարդկային ու հարմարավետության ստեղծումը, կանաչապատումը, որպեսզի բալ, փողոց դուրս գալը հաճելի լինի: Մարդիկ պետք է գիտակցեն. մեր տունը չի վերջանում մեր բնակարանի շենքով, համայնքը, բակը նույնպես մեր տունն են: Ձանացել եմ համոզել նրանց դրաման, գրուցել եմ, շրջել համայնքի մանկապարտեզներում, դպրոցներում, բակերում. ամենիցապես բնակիչներից եմ տեղեկացել նրանց բողոքների, դժգոհությունների մասին, անգամ բախտում նստած մեծահասակների հետ



նում կին գյուղապետները մոտ երկու տասնյակ են հասնում, իսկ մայրաքաղաքի ավագանիների կազմում կանանց թիվն 8-ից բարձր չի անցնում: Իսկ թաղապետ ընդհանրապես չի եղել: Երկի թե, մայրաքաղաքի կանայք որոշել են համբերությամբ զինվել և սպասել, թե երբ կփոխվի երկուսից մեկը. կամ մտածելակերպը, կամ «խաղի կանոնները»: Իսկ ավելի լավ է թե մեկ և թե մյուսը: «Դրա համար ժամանակ է պետք, - համարում է ինձեցի Անտոնյան: - Մի տասը տարի, իսկ գուցե ավելի շատ: Իսկ իշխանության ստորին էշերն են լինում կանայք մեզ արդեն հիմա են պետք: Հատկապես ավագանու կազմում, որտեղ արդյունքում կանայք չեն լինում: Կնոջ մտածողության պակասը, որտեղ պահանջվում է կնոջը բնորոշ հետևողական, կշռադատված, նույնիսկ ստեղծագործական մոտեցում: Այ տե՛ր երբ հայտնի են իրենց դեկավարում են տիկնայք: Մենք՝ հայերս, այսպես ենք ստեղծված...»:

Զրուցեց Հասնիկ Բաղդասարյանը

Մայրաքաղաքի Նոր Նորք համայնքի Մոլորմտիկ ավագանու կազմում միակ կինն է:

Կարծիքների խաչմերուկ
«Օրինակելի փանսիոնից մինչև թաղապետ մեկ քայլ է», - համարում են երեւանի բնակիչները եւ ընտրում տղամարդկանց

Երևանում վերջերս անցկացված ՏԻՄ ընտրությունների արդյունքները մտորելու տեղիք են տալիս. կամ երևանի կին թեկնածուներն անհաղորդ են հարազատ բակի կամ համայնքի հոգսերին ու ակնկալիքներին (ինչը բնավ էլ այդպես չէ), կամ էլ նրանք չափից ավելի խորաթափանց ու զգուշավոր են՝ գերադասելով չխառնվել նախօրոք հայտնի ելքով ընտրական մարտերին: Ինչպես պարզվեց մայրաքաղաքի ընտրողների հետ զրույցներից, գեղեցիկ սեռին՝ հետ է պահում համոզվածությունը, որ «տղամարդ մրցակիցների պատմեջը, միևնույն է, չես անցնի»:

Ամենահետաքրքիրն այն է, որ կնոջը թաղապետի պաշտոնում ամենաշատը կցանկանային տեսնել տղամարդիկ: Նրանց խոսքերով՝ համայնքը նույն ընտանիքն է, և նրա բարեկեցության մասին հոգածությունը կնոջ ուղղակի դերն է: «Այլ բան է, թե ինչ կին կկանգնի նրա «դեկլի» առաջ: Եթե անտարբեր ու անփութ տանտիրուհին հոգ չի տանում իր ընտանիքի անդամների մասին, ապա ես իմ ծայրը նրան չեմ տա», - հայտարարեց մանկավարժ Ներսես Մ.Ս.: - Քանի որ նման ճակատագիր է սպասում ապագայում նաև մեր համայնքին: Եթե խոսքն օրինակելի տանտիրուհու մասին է, ապա, ինչպես ասում են նրան կանաչ ճանապարհ: Պատրաստ են քվեարկել երկու ձեռքով: Սակայն նախ

քան ընտրության գնալը, անպայման նրա մասին տեղեկություններ կհավաքեն, թե ինչպիսին է նա ընտանիքում»:

Կին ընտրողները որոշակի կապակցություն ունեն: Ոչ թե այն իմաստով, թե գեղեցիկ սեռի ձեռքերում համայնքը կծողկի այս բառի ուղղակի և անուղղակի իմաստով: Դրանում նրանք առավել քան վստահ են: Վերջին բանը, որ անհամապատասխան է այն է, թե արդյոք կբավարարեն նրա մեծերը. - իր մտավայրում է հայտնում տնային տնտեսուհի Արմիդա Բաղդասարյանը: - Ես դա տուն եմ ինձամուլ. նույնիսկ գործազուրկ լինելով՝ երբեմն տնային հոգսերից շունչ չեմ կարողանում քաշել: Իսկ եթե համայնքի հոգսերն էլ թափվեն, ուրեմն ընդհանրապես կկոչվես: Կարծում

եմ, որ ամուսինն էլ հիացած չի մնա, ու երեխաներն էլ առանց ծաշի կմնան...»:

«Ի՞նչ անիթերություն. - հակադարձում է ուժային կառույցներից մեկի ներկայացուցիչը, ով չցանկացավ ներկայանալ: - Բա լվացքի մեքենան ինչի՞ համար է, բա խոհանոցի կոնքա՞յնը, փոշեկո՞ւլը: Աստուծա սիրուն, թող այնպես հաշվարկի իր աշխատանքային օրը, որ տեղավորվի 8 ժամի մեջ. պետք չէ աշխատանքի վայրում անիմաստ նստել, ինչպես անում են հիմա այդ պաշտոններում տղամարդիկ: Ձանձրացրել է նրանց դատարկափոստությունը, համայնքի նկատմամբ անտարբերությունը: Դուք նայեք այս աղբակուտերին, մանկապարտեզների վիճակին, աղբամանները տակնուվրա անող բոմբերին, թափառող շներին: Իսկ եթե համայնքապետը կին լիներ, վստահ են, վաղուց ամեն ինչ կկարգավորվեր: Ես, ընդհանրապես, իշխանության մեջ մայրիշխանության կողմնակից եմ. կանայք և ավելի բարեխիղճ են, և ձեռքից ավելի մաքուր»:

Պատեցիալ կին թեկնածուների անկաշատությանը չեն կանկածում նաև

մյուս հարցվածները: Այլ հարց է, որ այդ ընտրությունները զուտ տեսական բնույթի են, քանի որ մեր բոլոր գրուցակիցները գրեթե վստահ են, որ կանանց, միևնույն է, թույլ չեն տա բարձր պաշտոններ զբաղեցնել: Մեկից մեկ «կուլ կտան», մեխանիզմը հայտնի է. ընտրություններից շատ առաջ ամեն ինչ այնպես կդասավորվեն, որ նա ինքնաբացարկ կտա: Թոշակառու Մեսրոպ Մայիլյանը ենթադրում է. «Գործող համայնքապետները թույլ չեն տալիս կերակրատաշտին մոտենալ նույնիսկ «կողմնակի» տղամարդկանց, էլ ուր մնաց թե կանանց: Գուցե ավագանու կազմում ընտրվելու հնարավորություն կա, իսկ թաղապետի պաշտոնը՝ ոչ: Նույնիսկ եթե ընտրվի էլ, կինը երկար չի դիմանա: Մի հարյուր օր... Մեր տղամարդիկ չեն սիրում, որ իրենց դեկավարում են տիկնայք: Մենք՝ հայերս, այսպես ենք ստեղծված...»:

Տարօրինակ է, բայց մայրաքաղաքում մտածելակերպային խոչընդոտներ կարծես թե ավելի են արտահայտված, քան գյուղական համայնքներում: Այլ կերպ չես բացատրի, թե ինչու մեզանում կին գյուղապետները մոտ երկու տասնյակ են հասնում, իսկ մայրաքաղաքի ավագանիների կազմում կանանց թիվն 8-ից բարձր չի անցնում: Իսկ թաղապետ ընդհանրապես չի եղել: Երկի թե, մայրաքաղաքի կանայք որոշել են համբերությամբ զինվել և սպասել, թե երբ կփոխվի երկուսից մեկը. կամ մտածելակերպը, կամ «խաղի կանոնները»: Իսկ ավելի լավ է թե մեկ և թե մյուսը: «Դրա համար ժամանակ է պետք, - համարում է ինձեցի Անտոնյան: - Մի տասը տարի, իսկ գուցե ավելի շատ: Իսկ իշխանության ստորին էշերն են լինում կանայք մեզ արդեն հիմա են պետք: Հատկապես ավագանու կազմում, որտեղ արդյունքում կանայք չեն լինում: Կնոջ մտածողության պակասը, որտեղ պահանջվում է կնոջը բնորոշ հետևողական, կշռադատված, նույնիսկ ստեղծագործական մոտեցում: Այ տե՛ր երբ հայտնի են իրենց դեկավարում են տիկնայք: Մենք՝ հայերս, այսպես ենք ստեղծված...»:

Այս Ծառուկով

Փորձագետի անկյուն

Խորհրդարանին անհրաժեշտ է կանանց «կրիտիկական զանգված»

Շուտով Ազգային ժողովը հերթական անգամ կզբաղվի Ընտրական օրենսգրքի բարեփոխումներով: Երկու տարի անց քննարկվելու է Ընտրական օրենսգրքի նախագիծը: Ու թեև կանանց ցույց է տալիս, որ ընտրական օրենսգրքի նախագիծը նշյալ չափորոշիչներին ավելի արագ ու հեշտ է մոտենում, քան բուն ընտրությունները, պատգամավորները լի են Ընտրական օրենսգրքի կատարելության հասցնելու վճռականությամբ:

Հանրապետության կանանց կազմակերպությունները որոշել են այս առնչությամբ հիշեցնել ժողովրդի ընտրակազմի, որ ժողովրդավարությունն ամեն ինչից զատ ենթադրում է տղամարդկանց ու կանանց հավասար ներկայացվածություն օրենսդիր մարմնում: Ահա թե ինչու դեռ երկու ամիս առաջ երկու տասնյակից ավելի կանանց կազմակերպություններ Աժ պետաիրավական հարցերով մշտական հանձնաժողով դիմում ներկայացրին Ընտրական օրենսգրքի 100-րդ հոդվածում փոփոխություններ կատարելու անհրաժեշտության մասին: Հիշեցնենք, որ այս հոդվածի երկրորդ կետը պարտավորեցնում էր քաղաքական կուսակցություններին իրենց ընտրացուցակներում ընդգրկել 15%-ից ոչ պակաս կանանց, ընդ որում՝ յուրաքանչյուր տասնյակում: Դատելով նախորդ ընտրությունների արդյունքներից՝ այս միջոցն անբավարար էր, պատգամավորական կորպուսի կազմում կանանց ներկայացվածությունը հաջողվեց բարձրացնել միայն մինչև 9,2%-ի (այսօր՝ 8,3%):

Այսօր կանանց կազմակերպություններն առաջարկում են պատգամավորներին քննարկել վերոհիշյալ հոդվածի մեկ այլ ձևակերպում:

«Ազգային ժողովի համաձայնական ընտրակարգով կուսակցության (կուսակցությունների դաշինքի) ներկայացված ընտրական ցուցակում քաղաքական կուսակցությունը պարտավոր է հաշվի առնել մի սեռի 70%-ից ոչ ավելի ներկայացուցչությունը, ընդ որում՝ քաղաքական կուսակցությունների առաջադրած կին և տղամարդ թեկնածուների հաջորդականության տարբերությունը չպետք է գերազանցի երեք տեղը: Ցուցակից կնոջ թեկնածուները հանելու կամ պատգամավորական մանդատից կնոջ հրաժարվելու դեպքում նրա տեղը պետք է զբաղեցնի ցուցակում ընդգրկված հաջորդ կինը»:

Նոր ձևակերպման առնչությամբ մեկնաբանություններ ստանալու նպատակով մենք դիմեցինք այս առաջարկի նախաձեռնող Համալսարանական կրթության կանանց ասոցիացիայի նախագահ Ջենմա Հարաթյանին:

- 2-ի կարելի չէ կատարել, որ կանանց կազմակերպությունների կողմից առաջարկվող ձևակերպումը, այն է՝ «նույն սեռի 70%-ից ոչ ավելի ներկայացուցչությունը», շատ ավելի կոռեկտ է, քան եթե խոսվեր կանանց համար 30% քվոտայի մասին: Այնուամենայնիվ, ինչո՞ւ այդպիսի համամասնություն:

- Մեր առաջարկած 30%-ը միջազգային փորձագետների կողմից վարդաց սահմանված թիվ է՝ «կրիտիկական զանգված», որ կարող է փոխել իրավիճակը և իրական ազդեցություն ունենալ ընդունվող որոշումների կոնտեքստի վրա: Աժ-ում, որտեղ հարցը լուծվում է ձայների երկու երրորդով, հենց 30% կանայք կարող են խոչընդոտել այն օրենսդրական ակտերի ընդունումը, որոնք ուղղված չեն մարդուն կամ երկրի զարգացման տեսանկյունից դրական փոփոխությունների չեն բերի: Սակայն քվոտայի բարձրացումը մինչև 30% բավարար չէ: Նախորդ տարիների փորձը ցույց է տալիս, որ այդ տոկոսները կարող են հայտնվել ցուցակների վերջում, ուստի մենք առաջարկում ենք, որ յուրաքանչյուր երրորդ տեղում լինի մյուս սեռի ներկայացուցիչ: Մեր ձևակերպման մեջ մեկ այլ կարևոր հանգամանք էլ է արտացոլված: Վերջին ընտրու-

թյունների փորձով մենք համոզվեցինք, որ թեև Աժ անցած կուսակցությունները կատարել էին 15%-անոց քվոտայի մասին պահանջը և ցուցակի յուրաքանչյուր տասնյակում ներկայացրել էին մեկական կին, սակայն այդ կանանցից շատերը խորհրդարան այդպես էլ չենտան հրաժարվելով մանդատ ստանալուց հասարակության համար անհասկանալի պատճառներով... Այս բացասական միտումը հաղթահարելու համար անհրաժեշտ ենք համարել նշել, որ ցուցակից կին թեկնածուի դուրս գալու դեպքում նրա փոխարեն անցնի ցուցակում ներկայացված հաջորդ կինը:

- Գաղտնիք չէ, որ քվոտաներ մտցնելու հարցը ուժեղ սեռի շատ ներկայացուցիչներ ընկալում են որպես ոտնձգություն և մեկնաբանում իբրև իշխանություն կորզելու կանանց ձգտում: Ինչո՞ւ են այնուամենայնիվ Հայաստանում այդքան անհրաժեշտ քվոտաները:

- Իշխանության մեջ կանանց մասնակցությունը ոչ թե ինքնանպատակ է, այլ օրվա պահանջ էրկրի ճիշտ կայուն, տնտեսական և սոցիալական զարգացման նախապայման է: Մինչդեռ Ազգային ժողովում երկրի բնակչության կին կեսը (52%) ներկայացված է ընդամենը

8% կին պատգամավորով: Դրանով իսկ խախտվում է ոչ միայն սոցիալական արդարության սկզբունքը: Համաշխարհային փորձը ցույց է տալիս, որ այն խորհրդարաններում, որտեղ չկա կանանց ու տղամարդկանց հավասարակշռված ներկայացվածություն, և հատկապես այնտեղ, որտեղ կանայք 10%-ից պակաս են, սուստի է ընդունվող օրենքների սոցիալական ուղղվածությունը: Ել չեն խոսում այն մասին, որ գործադիր իշխանությունում կանայք ավելի քիչ են: Այստեղից էլ հատուկ միջոցներ ձեռնարկելու անհրաժեշտությունը, որոնք կոչված են կանանց հնարավորություն տալու ներկայացված լինել իշխանության և կառավարման կառույցներում:

Կա նաև Հայաստանի կողմից վավերացված մի շարք միջազգային փաստաթղթերի գծով պետության ստանձնած պարտավորությունների գործոնը: Հայտնի է, որ Եվրախորհրդի երկրների նախարարների կոմիտեի դեռ 2003 թ. սահմանել է այսպես կոչված «հավասարության շեմը»՝ իշխանության կառույցներում երկու սեռերի օպտիմալ՝ «40-ը 60-ի» համամասնությանը ներկայացվածության մասին: Նշեն, որ 2006 թ. Ստրասբուրգում Եվրախորհրդի երկրների նախարարների 6-րդ կոնֆե-

րանսում այս շեմը մինչև 2020 թ. ապահովել պարտավորեցնող բանաձևին կողմ է քվեարկել նաև մեր աշխատանքի և սոցիալական հարցերի նախարար Աղվան Վարդանյանը: Այսօր 2008 թվականն է, և ճիշտ ժամանակն է այս մշածողի ապահովման աստիճանաբար անցնելու: Գործադիր իշխանությունում սա հնարավոր է քաղաքական պաշտոններում կանանց թվի աստիճանական ավելացման օգնությամբ, իսկ օրենսդիր իշխանությունում՝ միայն քվոտաների միջոցով:

- Հասկանալի է, որ կանանց համար ընտրական քվոտաների բարձրացման մասին որոշումը կախված է խորհրդարանում ներկայացված քաղաքական կուսակցություններից: Պատրաստ են ցանց դրան:

- Մեր կուսակցությունները, որոնք կոչված են լինելու ժողովրդավարական կառույցներ, իրականում այդպիսին չեն: Ամենամեծ խմբակցությունը մեր խորհրդարանում ունի Հանրապետական կուսակցությունը. այն 64 մանդատ ունի, որոնք բաշխված են 63 տղամարդ և 1 կին համամասնությամբ: Այս առումով «Բարգավաճ Հայաստան», Հայ հեղափոխական դաշնակցություն և «Ժառանգություն» կուսակցություններն ավելի ժողովրդավար են երևում. նրանցից յուրաքանչյուրի խմբակցությունում երեքական կին են: Այսպիսով, հույս ունենալ, թե բոլոր կուսակցությունները պատրաստ են իրավահավասար հիմունքներով առաջադրել և հաշվի առնել կանանց կարծիքը, մենք առայժմ չենք կարող, և ստիպված ենք խոսել քվոտաների մասին: Ի դեպ, բոլոր պետությունները, նույնիսկ նրանք, որոնցում այսօր ձեռք է բերվել իշխանությունում սեռերի հավասարակշռված՝ «50-ը 50-ի» ներկայացվածություն, դրան են հասել քվոտաներ ընդունելու միջոցով՝ չսպասելով, մինչև հասարակական կարծիքը պատրաստ կլինի հավասարաչափ քվեարկել տղամարդկանց ու կանանց օգտին: Շատ երկրներում այսօր էլ կուսակցությունների ֆինանսավորումը կատարվում է հաշվի առնելով գենդերային գործոնը: Այնպես որ կուսակցությունները պետք է վերանայեն իրենց դիրքորոշումը կանանց մասնակցության խնդրի

նկատմամբ: Արդեն պարզ է, որ 15% քվոտան ցանկալի արդյունք չի տվել, նշանակում է՝ այն պետք է բարձրացնել:

- Ձեր առաջարկին Աժ-ից արձագանք ստացե՞լ եք:

- Առայժմ մեր դիմումը օդում կախված է, օրենսդիր իշխանության ներկայացուցիչներից ոչ մեկը մեզ չի պատասխանել, թեև 23 կանանց կազմակերպությունների ստորագրությամբ նամակն ուղարկվել է բոլորին խմբակցությունների, հանձնաժողովների ղեկավարներին, խոսակին և նրա տեղակալներին: Սակայն մենք հույսներս չենք կորցնում:

Առավել ևս, որ որոշակի տեղաշարժ կարծես թե կա: Այսպես, վերջին 17 տարվա ընթացքում առաջին անգամ Հայաստանի կառավարությունը իր 2008-2012 թթ. ծրագրում սոցիալական քաղաքականության առաջնայնություններից մեկն է համարել տղամարդկանց ու կանանց իրավունքների ու հնարավորությունների հավասարության ապահովումը: Դա ազդակ է նաև խորհրդարանի համար. ինչպես՝ կանանց կրթչիկի այս ծրագիրը, եթե չկան դրա լուծմանն ուղղված հստակ միջոցառումներ, եթե չկա երկու սեռերի համար հավասար իրավունքներ և հավասար հնարավորություններ երաշխավորող օրենք: Ի դեպ, այդ օրենքի նոր նախագիծն արդեն պատրաստ է: Այն մշակել է Աշխատանքի և սոցիալական հետազոտությունների ազգային ինստիտուտի պատվերով մեր փորձագիտական խումբը, և բոլոր հիմքերը կան ենթադրելու, որ կառավարությունն այս օրինագիծին կաջակցի: Մտնում է խորհրդարանին համոզել այն ընդունելու անհրաժեշտության մեջ: Մինչ այդ, սակայն, պետք է համոզենք պատգամավորների քվոտաները բարձրացնել:

Զրույցեց Նորա Կանանովան

Գ.Գ. «Կինը և քաղաքականությունը» հավելվածի խմբագրակազմը արտանք շնորհակալում է Ջենմա Հարաթյանին՝ ակտիվ հասարակական-քաղաքական գործունեության համար կառավարական պարգևի՝ 77 վարչապետի հուշանդամով արժանանալու կապակցությամբ:

Քաղաքական խոհանոց

Հայոց խորհրդարանը մեկ անգամ չէ, որ դուստրել է իր ոչ այնքան բարեհաճ վերաբերմունքը կանանց համար քվոտաների նկատմամբ: Հանուն արդարության հարկ է նշել, որ անբարյացակամության աստիճանը տարիների հետ նվազում է, թեպետ քվոտավորման անհաշտ ընդդիմադիրները միշտ պատրաստ են հակափաստարկներից տպավորիչ բարիկաղ կառուցել: Ընտրական օրենսգրքում կանանց քվոտա մտցնելու առաջին փորձը կարելի է առանց անհարմար զգալու «ողորմություն» կոչել: Կանանց հատկացված 5%-ը կուսակցական ցուցակներում այլ կերպ չեն անվանի, հատկապես եթե հաշվի առնվի, որ կանայք բնակչության 52%-ն են: 2006-ին Ընտրական օրենսգրքի այս կետը սրբազրեցին՝ ամրագրելով կուսակցական ցուցակներում կանանց 15% ներկայացվածությունը: Այսօր, երբ Աժ օրակարգում է Ընտրական օրենսգրքի հերթական բարեփոխումն է, կանանց հասարակական հատվածը նորից առաջարկում է վերանայել քվոտան՝ բարձրացնելով այն մինչև 30%: Մենք փորձեցինք պարզել, թե ինչ են մտածում այս առնչությամբ պատգամավորները: Բացարձակ կողմնակիցները թեև փոքրաթիվ էին, բայց քվոտայի չափի մասին փաստեցին՝ որքան շատ, այնքան լավ, արագ ի հայտ եկան: Սակայն խոսքը նրանց մասին չէ:

Ի՞նչ են մտածում պատգամավորները քվոտաների մասին

Սամվել Նիկոյան (ՀՀԿ). «Ես կողմ եմ բնական, այլ ոչ թե արհեստական ճանապարհին»

Ես դեմ եմ ցանկացած խորհրդարանի, եթե անգամ դա դրական նպատակով է արվում: Եթե որոշակի տոկոս սահմանելով՝ խորհրդարան են բերում կանանց, ովքեր համապատասխան քաղաքական ուղի չեն անցնել, դրանով մենք որևէ խնդիր չենք լուծի, և նրանք ևս լավ վիճակում չեն լինի: Ես ուզում եմ, որ կանանց մասնակցությունը քաղաքական կյանքին բարձր լինի, բայց ոչ թե արհեստական, այլ բնական ճանապարհով: Եթե քվոտավորման առաջարկ այնուամենայնիվ ընդունվի, ՀՀԿ-ն, իհարկե, համապատասխան ներուժ ունի այդ քվոտան ապահովելու համար:

Գրիգորյան Մարգարյան («Օրինաց երկիր»): «Այսօր ես կտրուկ փոփոխությունների կողմնակից չեմ»

ՕԵԿ-ը հնարավորություն ունի ավելացնել խորհրդարանում իր կանանց թիվը: Երբ քվոտավորման 5 տոկոսը դարձրինք 15, դա շրջադարձային եղավ մեր խորհրդարանի համար, բայց այսօր ես կողմնակից եմ ոչ թե կտրուկ փոփոխությունների, այլ՝ աստիճանական զարգացման: Այսօր կա-

նայք մեր խորհրդարանում ակտիվ են աշխատում, բայց բարեփոխումները չպետք է արհեստական լինեն:

Նաիրա Չոհրաբյան («Բարգավաճ Հայաստան»): «Օրենսդիր գործունեությամբ պետք է զբաղվի նա, ով ունակ է, անկախ սեռից»

Իհարկե, որքան խորհրդարանում շատ լինեն կանայք, այնքան մթնոլորտն ավելի բարի, կառուցողական կլինի, բայց ես դեմ եմ արհեստական բաժանումներին: Օրենսդիր գործունեությամբ պետք է զբաղվի նա, ով ունակ է, անկախ սեռից: Կարծում եմ՝ գործող համամասնությունը պահպանելը ճիշտ է: Եթե կա առաջարկ, կարելի է ավելացնել, բայց չեն կարծում, թե դա երաշխիք է, որ ավելի ակտիվ կանայք կլինեն խորհրդարանում, կան խորհրդարանի որակը դրանից կարող է փոխվել: Որևէ համամասնություն երաշխիք չէ, եթե չկա պրոֆեսիոնալիզմ: Վերջերս բազմաթիվ կուսակցություններում տանող ուժը կանայք են, մեր կուսակցությունում ևս շատ ակտիվ կանայք կան, այնպես որ՝ եթե առաջարկն ընդունվի, ԲՀԿ անդամ շատ ակտիվ կանայք կարող են աշխատել խորհրդարանում:

Ստեփան Սաֆարյան («Ժառանգություն»): «Մենք պատրաստ ենք օրինակ ծառայել»

«Ժառանգություն» խմբակցությունում կանայք 42 տոկոս են կազմում, և մենք կարողացանք հասարակությանն ի ցույց դնել, որ կանայք ոչ պակաս չափով կարող են քաղաքական գործիչ, խորհրդարանակա լինել, քան տղամարդիկ, որոշ առումներով նրանք անգամ գերազանցում են մեզ: Իհարկե, խոսքը մեխանիկական ավելացման մասին չէ: Խորհրդարան պետք է գա այն կինը, ով իսկապես ասելիք է անելիք ունի քաղաքական դաշտում: Հասկանալով, որ այսօր խաղի կանոնները Հայաստանում ուժային են, կանայք շատ դեպքերում իրենց հեռու են պահում և չեն համարձակվում մասնակցել ընտրություններին, այդ պատճառով նրանց համար քվոտաներ ապահովելն անհրաժեշտ է: Մեր խմբակցությունը պետք է օրինակ հանդիսանա մյուս խմբակցությունների համար:

Ալվարդ Պետրոսյան (ՀՀԴ): «Մենք ինքներս ենք մեղավոր մեր պարտությունների համար»

Ես որովհետև եմ վերաբերվում կանանց թվի մեծացմանը խորհրդարանում, թեև տոկոսային բաժանման մեջ վիրավորական տարրեր կան, որովհետև կարծում եմ՝

մարդու կերպարը և գործունեությունն են որոշում նրա՝ խորհրդարանում լինել-չլինելու հարցը: Բայց եթե այսօր շատ պրագմատիկ ենք դարձել և ուզում ենք խոսել թվերով, ապա հիշենք, որ մեր բնակչության կեսից ավելին կանայք են, բարձրագույն կրթություն ստացած և ընդհանրապես բանականության գործակցով ոչնչով չզիջող: Եվ այդ դեպքում ինչո՞ւ պետք է նրանք 30 տոկոս կազմեն խորհրդարանում, ներդաշնակ հասարակության մեջ նման աններդաշնակ բաժանումներ չեն լինում: Երբ երկիրը ծանր վիճակում է, բռնակալը կանայք են, բայց երբ ավելի բարեկիրք ոլորտում ենք հայտնվում, և նրանք շատ փորձրիկ են: Կարծում եմ՝ լավ կլինի, որ հայ կանայք համառեն, բայց մեր պարտությունների մեջ մեծ մասամբ մենք ենք մեղավոր:

Զրույցեց Արմինե Գասպարյանը

Խմբագրության կողմից Ձեռնպահ մնալով պատգամավորների կարծիքների մեկնաբանություններից՝ փորձեց որոշ ճշտումներ կատարել: Քվոտաները չեն ենթադրում անարժան թեկնածուների առաջադրում և չեն բացառում նրանց որակավորմանն ու փորձին ներկայացվող պահանջները: Ու եթե կուսակցությունները պնդում են, թե իրենց մոտ բավարար թվով պատրաստված կանայք կան, ապա իմաստ չունի վախճնալ, որ խորհրդարան կանցնեն անարժանները:

Ինքնադիմանկար

Կանայք, որոնց վարահում են...

Նրանք ընդամենը 20-ն են, ովքեր այսօր գլխավորում են հանրապետության գյուղական համայնքները: Մենք ընտրեցինք նրանց մասին պատմություններից ընդամենը երկուսը, որոնք կարելի է տիպիկ համարել, թեև այս կանանցից յուրաքանչյուրն իր ճակատագիրը, իր կյանքն ունի: Պարզապես մի գեղեցիկ օր նրանք իրենց մեջ ուժ են զգացել օգնելու համագյուղացիներին, վերջիններս էլ նրանց վստահել են և չեն զղջացել: Ահա թե ինչու ընտրում են մի քանի անգամ անընդմեջ...

«Զգիտեմ, թե նրանց ինչը ավելի շատ ձեռք չէր տալիս՝ իմ սկզբունքայնությունը, թե՛ սեռը»

...Յիմա կասե՞ք գլուխ է գովում: Ես շատ աշխատասեր եմ, բացի աշխատանքիցս, աշխատում եմ տանը՝ հողագործություն, անասնապահություն: Երբ 1993-ին առաջին անգամ դարձա գյուղատնտեսի մասնակց, վիճակը շատ վատ էր. լույս չկար, գազ չկար, գյուղատնտեսի պատգամավորներն իրենք խնդրեցին, որ ես դնեմ իմ թեկնածությունը, իբր՝ դու հաստատ կհարթահարես: Խոսեցի ընտանիքիս հետ, ամուսինս սկզբում համաձայն չէր: Ասում էր՝ ծանր է, փոքր երեխաներ ունեն, հետո մա ինձ շատ էր օգնում, ինքն էր ինձ տանում-բերում, հարցերը միասին էինք լուծում: Յիմա էլ շատ հարցեր տղայիս հետ եմ լուծում, փեսայիս հետ, աղջկա է օգնում, և իմ բոլոր մայրական պաշտերս ավելի վրա եմ հենվում: Ուն էլ որ դիմում եմ, բոլորն էլ օգնում են:

93-ին ես ընտրություններում մենակ առաջադրվեցի, ու դրանից հետո էլ երկու անգամ միակ թեկնածու եմ. իսկ հետո արդեն հայտնվեցին մրցակիցներ: Իհարկե, կային մարդիկ, ովքեր կնոջը գյուղապետի դերում չէին ընդունում: Ես չգիտեմ ինչը նրանց ձեռք չէր տալիս. այն, որ ես կի՞ն եմ, թե՛ այն, որ ես չափից ավելի սկզբունքային եմ: Նախկին գյուղատնտեսի մասնակցի, ուր, ի դեպ, իմ մանկության ընկերն էր, սեփականաշնորհման ժամանակ նրանց էր բաժանել հողերի, մեխանիզացիայի առյուծի բաժինը, մյուս գյուղացիներին փաստորեն ոչինչ չէր հասել: Ու նրանք, ովքեր այն ժամանակ չափել էին, իհարկե, գիտեին, որ ինձ հետ այդ գործարքները չեն անցնի, ու իմ դեմ քվեարկեցին: Մինչև այսօր էլ իմ դեմ են քվեարկում, սակայն մեծ մասը, միևնույն է, ինձ է ընտրում: Թեկուզ մի քանի անգամ փորձեցին ինձ վախեցնել, սպառնալ: Բայց ես վախկոտ չեմ, զուցե սա գեներով է եկել: Իմ մայրիկները Սասունից են, բայց ես ծնվել ու մեծացել եմ այս գյուղում, այստեղ դարձրում երկար ժամանակ դասավանդել եմ, բոլորին ճանաչում եմ, գիտեմ, թե մարդիկ ինձից ինչ են սպասում, և ինչպես գտնել յուրաքանչյուրի մոտեցման ձևը:

«Որոշեցի դառնալ այն կանանցից մեկը, որը համարձակություն կունենա...»

Ես իմ թեկնածությունն առաջադրեցի տեղական ինքնակառավարման մասին օրենքն ընդունելուց հետո առաջին ընտրություններին: Մարզում մեր համայնքը շարունակ քննադատվում էր, քարկոծվում, այն ժամանակ խոսքը սեփականաշնորհման մասին էր, ու ես մտածում էի. ունենալով այսքան լավ գյուղ, ո՞նց կարելի է անընդհատ քննադատվել: Նախքան առաջադրվել շատ վախեցում էի. մեզանում կին համայնքի ղեկավարը սարսափելի բան էր: Հարազատներիս հետ չխորհրդակցեցի, ոչ ծնողներս, ոչ եղբայրներս: Ինքնուրույն եմ որոշել, մտածեցի փորձեմ, ես էլ լինեմ այն կանանցից մեկը, որը համարձակություն կունենա, որ աշխատի օրենքով: Եթե անկեղծ լինեմ, ապա համայնքն առաջին անգամ ինձ ընտրեց ոչ ինձ համար, այլ ծնողներս խաթր. նրանք շատ մեծ վստահություն հարգում: Մայրս երկար տարիներ մանկաբարձուհի է եղել, գյուղի ամբուլատորիայի միակ բուժաշխատողը: Ինձ հետ կային երեք այլ թեկնածուներ՝ գյուղատնտեսի մասնակցի, նրա տեղակալը և քարտուղարը: Ես մարզի վարչակազմում 12 տարվա աշխատանքային ստաժ ունեի, գյուղում չէի աշխատել և համարվում էի «օտար» մարդ: Բայց չնայած դրան երկրորդ փուլ անցանք ես ու գյուղատնտեսի քարտուղարը: Իսկ հետո ես նրանից էլ առաջ անցա ծայրերի մեծամասնությամբ: Որ ասեմ, թե մեծ բարեկամություն ունենեմ, սուտ կլինի: Աջակցում էին ընկերներս, դասարանցիներս: Իսկ ծնողներս սկզբում պարզապես զարմանում էին ասելով. «Ես քանովս գյուղում ինչ կա, գալու ես, հեղինակազորվեմ»: Սակայն ինձ մոտ ամեն ինչ ստացվեց, երևի դա այդպես պիտի լիներ:

Արմինե Մխիթարյան


Ըստ «ՏԻՄ-երի գենդերային ինդիկատորները» հետազոտության նյութերի

Կանանց գործունեությունը

Կարողանա՞՞ Փեյլինը կին դեմոկրատների ձայները բերել

Սառա Փեյլինը, որին նախագահի թեկնածու Մակքեյնը ընտրել է իրեն զուգընկեր, նախկինում գրեթե անհայտ էր հարազատ Այնսլայի սահմաններից դուրս: Նա մեկուկես տարուց փոքր-ինչ ավելի է, որ նահանգապետ է, իսկ մինչ այդ ղեկավար աշխատանքի փորձը սահմանափակվում էր Վասիլյա փոքր ավանում քաղաքապետի պաշտոնով:

Ուստի գլխավոր դրոշմապատկերներից մեկը, որով, ըստ քաղաքագետների, առաջնորդվել է Մակքեյնը, իր կողմն այսպես կոչված «բլիթերային դեմոկրատներին»՝ հրապուրելու ձգտումն է, այսինքն՝ նախևառաջ կանանց, ովքեր նախընտրական նախագահական մրցարշավում աջակցում էին ԱՄՆ նախկին առաջին տիկին Յիլարի Քլինթոնին: Կին դեմոկրատները ի պատասխան հակադարձում են, որ իրենք չափից ավելի են հարգում իրենց, որպեսզի նախագահական ընտրություններում կողմնորոշվեն «սեռային հատկանիշով»:



«Ֆեմինիստական երազանք» կամ «Ֆեմինիստական մղձավանջ»

Որպես փոխնախագահի թեկնածու՝ Սառա Փեյլինի առաջադրումով՝ ամերիկացի ֆեմինիստուհիները կանգնեցին դժկարին ընտրության առջև:

Ինչ էլ որ լինի նախագահական մրցարշավի ելքը, 2008 թվականը մենք կհիշենք որպես կանանց տարի, գրում է ամերիկյան «The Boston Globe»-ը: Նախ Յիլարի Քլինթոնը ընդհուպ մոտեցավ այն գծին, որ առաջադրվել որպես դեմոկրատական կուսակցությունից նախագահի թեկնածու: Այս ֆեմինիստական երազանքին վիճակված չէր իրականանալ: Այժմ հայտնվել է Սառա Փեյլինը, որին հանրապետականներն ընտրել են փոխնախագահի թեկնածու: Եվ եթե Յիլարին ֆեմինիստական երազանք էր, ապա Փեյլինին ունենք համարում են ֆեմինիստական մղձավանջ. պահպանողական կին քաղաքական գործիչ, որ հասարակական հարցերում հարում է աջ հայացքների, և ի թիվս այլոց, հանդես է գալիս արիեստական վիժումների դեմ: Կին գրող Ջեյն Սմայլին նրան կոչել է «մի կին, որն ուժեղացնում է հայրիշխանությունը, այլ ոչ թե վիճարկում այն»:

Սակայն նման մեղադրանքներն անհիմն են: Թեև Փեյլինը արդուների դեմ է, նա «Ֆեմինիստուհիները հանում կյանքի» կազմակերպության անդամ է: Այնպես որ ընտրություններում Փեյլինի որպես թեկնածուի առաջադրումը Ամերիկայի կանանց համար կարևորագույն պահ է ամփոփում է լրագիրը: Հատկապես հաճելի և ուրախալի է հետևել, թե ինչպես է «մայրական ուղին» վերածվում դեպի Սպիտակ տուն տանող ճանապարհի: Փեյլինը հինգ երեխաների մայր է և ամեն անգամ վերադարձել է ակտիվ աշխատանքի նրանց ծնվելուց հետո: Եվ ամուսինը նրան, կարծես թե, ամեն ինչում օգնում է:

Առաջին տիկնանց համեմատություն

Ենթադրվում է, որ ԱՄՆ նախագահը պետք է լավ ընտանիք ունենա. բազմաթիվ հետազոտություններ ցույց են տալիս, որ այս հատկությունը ամերիկացի ընտրողները համարում են խիստ կարևոր, քանի որ քիչ հավանական է, որ իր կամեցած կանանցի խնդիրները լուծելի չկարողացող մարդը ի գորտ կլինի հաջողությամբ կառավարել երկիրը:

Ամերիկացիներն ուշադրություն են դարձնում թեկնածուի ընտանեկան ստաժին, ընտանեկան հարաբերությունների որակին և երեխաների թվին: Բացի այդ, վերջին չորս տասնամյակների ընթացքում նախա-

գահական ընտրություններից հետո անցկացված ամերիկացիների հարցումները ի հայտ են բերում զարմանալի օրինաչափություն. ընտրողների 5-7%-ը իրենց ընտրությունը կատարում է իրմովելով պոտենցիալ առաջին տիկնուց նկատմամբ համակարգի կամ հակակարգի վրա:

Օրբան կողմ է աշխատող կանանց համար հավասար վարձատրությանը

Այն ժամանակից ի վեր, ինչ Յիլարի Քլինթոնն ավարտեց ընտրական քարոզարշավը, Օրբանը հաճախ է խոսում այն մասին, թե նա ինչքան շատ բան է արել կանանց համար՝ կործանելով խոչընդոտները: Նա նշում է, որ Քլինթոնի քարոզարշավից շահել են բոլոր կանայք և օրինակ է բերում իր երկու դուստրերին:

Իսկ վերջերս, ձգտելով ստանալ կին ընտրողների ձայները, նա հայտարարեց, որ ինքը կլինի աշխատող կանանց համար հավասար վարձատրության համար պայքարող լավագույն մարտիկը, քան իր մրցակից հանրապետական Ջոն Մակքեյնը: Թեկնածուն պատմել է, որ իրեն դաստիարակել են միայնակ մայրն ու տատը, որոնք ստիպված էին շատ բան գոհարելու համուն ընտանիքի ապահովության: Իսկ հետո նշել է, որ այս տարի Մակքեյնը դեմ էր այն օրինագծին, որն անհավասար վարձատրության դեպքում կհեշտացներ գործատուների դեմ կանանց հայցեր ներկայացնելը: Օրբանն աստարել էր այս օրինագիծը: Պաշտպանվելով Մակքեյնը հայտարարեց, որ սատարում է հավասար վարձատրության կանանց իրավունքը, սակայն այդ միջոցը կբերեր դատավարությունների թվի ավելացմանը:

Վարկաբեկող նյութերի պատերազմ

Սառա Փեյլինի վրա հարձակումների առիթ է առավել հաճախ դառնում ոչ թե նրա քաղաքական կարիերան, այլ անձնական կյանքը:

Սառան 44 տարեկան է, ամուսնացած, ունի հինգ երեխա: Սկզբում ակտիվորեն քննարկվում էր այն մարդուց, որ նրա 17-ամյա դուստրը հղիացել է իր համադասարանցի Լևի Ջոնսոնից և պատրաստվում է ղեկտեմբերին երջանկացնել մորն առաջին թոմսիկով: Սառա Փեյլինն ինքն է պատմել ամերիկացիներին այս մասին հեռուստատեսից այն բանից հետո, երբ ինտերնետում լուրեր հայտնվեցին, որ փետրվարին ծնված Սառա Փեյլինի որդու մայրը ոչ թե ինքն է, այլ նրա դուստր Բրիստոլը: Իրենց եզրակացությունը չարախոսողները իմնում էին նրա վրա, որ նահանգապետի հղիության ընթացքում նրա ոչ մի լուսանկարում չի նկատվում փորը, և որ Բրիստոլը մոր հղիության վերջին հինգ ամիսներին դպրոց չի հաճախել: Ապա մամուլը անցավ Փեյլինի վրա նոր վարկաբեկող նյութերի: Օրինակ՝ Hollywood Newsroom-ում հրապարակված մի քանի լուսանկարներում Այնսլայի նահանգապետը (կամ նրան շատ նման կի՞ն) կեցվածք է ընդունել անպարկեշտ կարճ փեշով հզոր մոտոցիկլի ֆոնին: Ամերիկացիների վերաբերմունքը լուսանկարների նկատմամբ ոչ միանշանակ էր: Ոմանք հայտարարեցին, որ այսպիսի գեղեցկուհի ունենալը փոխնախագահի պաշտոնում հրաշալի է. դա կբարձրացնի համաշխարհային ասպարեզում Միացյալ Նահանգների հեղինակությունը:

Ըստ ամերիկյան մամուլի նյութերի

Տեղական բարքեր

Գյուղական համայնք, ո՞ւմ համար է ավելի հեշտ ղեկավարել

Այս հարցին պատասխանում են գյուղական համայնքների ղեկավարները և բնակիչները

«Եթե տղամարդ է, ամեն ինչ կարող է շատ հեշտ և արագ լուծվել: Օրինակ՝ մեր շատ համագյուղացիներ կան, լավ պաշտոններ ունեն երևանում, կարան ազատ մտնեն, ասեմ էս է հարցը, էն է հարցը: Բայց կանանց համար դժվար է սա: Բացի ձևական կողմից, կան նաև շատ սովորալ, խոհանոցային կողմեր այս գործում»:

«Միանշանակ կնոջ համար ավելի դժվար է աշխատել, որովհետև կան շատ պահեր... Օրինակ՝ դեպք է պատահել, և պետք է գիշերվա 12-ին շտապ ինչ-որ տեղ գնալ: Կամ համայնք մարդիկ են եկել, պետք ա գնա, հետները մի տեղ նստես, կնոջ մոտ դա մի քիչ լավ չի ստացվի, հո նա չի՞ գնա նրանց հետ տարբեր տեղեր ուտել-խմելու...»

«Հնարավոր չէ, որ այս պայմաններում տղամարդն արդար լինի. նրան բոլոր կողմերից խեղդում են, էնտեղից են կլկում: Կնոջը չեն կարա էդքան խեղդեն: Կինն ավելի հեշտ կարա արդար լինել, կարա կաշառք չվերցնի: Հետները թե՛ չի անի, հարցեր կան...»

«Տղամարդ ղեկավարի համար կան ավելի բարձր դժվարություններ: Տղամարդուն ճնշելու բազմաթիվ լծակներ կան: Տղամարդն ավելի հարմարվող է, ավելի ենթարկվող վերններին»:

Այս բոլոր պատասխանները մեկ անգամ ևս պարզացնում են այն փաստը, որ Հայաստանում քաղաքականությունը հաճախ կառուցվում է ոչ ֆորմալ ցանցերի, ժամոթությունների շրջանակի շնորհիվ, որոնք թույլ են տալիս հնարավորինս մատչելի դարձնել անհրաժեշտ ռեսուրսները, կոնտակտները, տեղեկատվությունը: Գաղտնիք չէ, որ դրանց զուտ տղամարդկային ցանցեր են, իսկ կանայք, եթե դրանց մուտք էլ ունեն, ապա միայն տղամարդկանց (եղբոր, հոր, ամուսնու, ծանոթի) միջնորդությամբ: Քաղաքական հարցերի քննարկումները անցկացվում են հիմնականում «տղամարդկային ստարածքներում»՝ ռեստորան, խնջույք, բաղնիք ու սաունա, համապատասխան «տղամարդկային բառապաշարի» օգտագործմամբ:

Քաղաքականության մեջ և հատկապես ՏԻՄ-երում կնոջը հաջողության հասնելու համար հարկավոր է երեք նախապայմաններից առավելագույն թվով առկայությունը. 1. «Ծանոթ» տղամարդկանց, առաջին հերթին՝ ամուսնու աջակցությունը: 2. Տղամարդկանց գնահատականը, որ «ինքը նույնպես կարող է հարցեր լուծել»: 3. Կնոջը պետք է նկատեն, թույլ տան, առաջ տանեն: Իսկ դա ամուսն են (կարող են անել) միայն տղամարդիկ: Կնոջը մնում է միայն ապացուցել, որ «ինքը դրան արժանի է»: Հնարավոր է ճեղքել այդ պատնեշը: Հարցն անենկին էլ հեշտորակա չէ:

Լիլիթ Զաքարյան

Ըստ «Հայաստանում որոշումների ընդունման մակարդակում կանանց չներկայացվածության պատճառները» հետազոտության նյութերի Աշխատանքի և սոցիալական հետազոտությունների ազգային ինստիտուտ՝ ՄԱԿ-ի գաղափարական ծրագրի աջակցությամբ

Ի դեպ

Վերևներում հարցերը մեծ մասամբ կուլիսների հետևում են լուծվում, ոչ պաշտոնական շփումների ժամանակ, շատ ավելի վաղ, քան մենք իմանում ենք հարողորդություններից: Կանայք այդ դաշտում բացառության հասնող փոքրամասնություն են և չեն կարողանում անհրաժեշտ կապեր ու փորձ ձեռք բերել: Այդ դաշտում նրանք պարտված են, եթե նույնիսկ իրենց պաշտոնական պարտականություններն անթերի կատարեն: Դրանում համոզվել են բազմիցս: Երբ ինչ-որ հարցով հանդիպում էի մի որևէ բարձրաստիճան պաշտոնյայի հետ, տեսնում էի, որ այդ հարցը նրան արդեն ներկայացրել է, այն էլ խեղաթյուրված, և անհնարին էր նրան համոզել, որ իմ տեղեկատվությունն ավելի ճիշտ է: Դա շատ լուրջ խնդիր է. կանանց դեմ գործադիր կամ օրենսդիր իշխանության թևում նշանակալի կլինի այն ժամանակ, երբ նրանց թիվը որոշումների ընդունման մակարդակում անհամեմատ ավելի մեծ լինի»:

Մարիամ Ավարյան Աժ պատգամավոր

Հավելվածը հրատարակվում է ԵԱԿԿ Երեւանյան գրասենյակի աջակցությամբ

Խմբագիր՝ Թամարա Դովնաթանյան: Զևակորումը՝ Վահե Գիմեսյանի Տպագրանակը՝ 7000 օրինակ